

Шаруашылық жүргізу құқығындағы мемлекеттік кәсіпорындардың таза табысын бөлу нормативтері туралы

Күшін жойған

Қазақстан Республикасы Үкіметінің 2002 жылғы 10 желтоқсандағы N 1297 қаулысы. Күші жойылды - Қазақстан Республикасы Үкіметінің 2013 жылғы 2 мамырдағы № 448 қаулысымен

Ескерту. Күші жойылды - ҚР Үкіметінің 02.05.2013 N 448 қаулысымен (алғашқы ресми жарияланған күнінен бастап қолданысқа енгізіледі).

Қазақстан Республикасының Үкіметі қаулы етеді:

Ескерту. Кіріспеге өзгерту енгізілді - ҚР Үкіметінің 2005.04.08 N 315 қаулысымен.

1. Қоса беріліп отырған Шаруашылық жүргізу құқығындағы мемлекеттік кәсіпорындардың таза табысын бөлу нормативтерін белгілеу, келісу және бекіту ережесі (бұдан әрі - Ереже) бекітілсін.

2. Мемлекеттік органдарға шаруашылық жүргізу құқығындағы республикалық мемлекеттік кәсіпорындардың таза табысын бөлу нормативтерін анықтау кезінде республикалық бюджетке аударымдардың нормативтерін осы қаулыға қосымшада көрсетілгендерден төмен емес етіп белгілеу ұсынылсын.

3. Мемлекеттік басқару органдары шаруашылық жүргізу құқығындағы мемлекеттік кәсіпорындарға қатысты:

1) шаруашылық жүргізу құқығындағы ведомстволық бағыныстағы мемлекеттік кәсіпорындардың таза табысының тиісті бөлігін мемлекеттік бюджетке толық және уақытылы аударуына тұрақты бақылау орнатсын;

2) еншілес кәсіпорындар үшін таза табысты бөлу нормативтерін белгілеу кезінде ведомстволық бағыныстағы кәсіпорындардың Ережені сақтауын қамтамасыз етсін.

4. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Қазақстан Республикасы

Үкіметінің

2002 жылғы 10 желтоқсандағы

N 1297 қаулысымен

бекітілген

Шаруашылық жүргізу құқығындағы мемлекеттік кәсіпорындардың таза табысын бөлу нормативтерін белгілеу, келісу және бекіту ережесі

Осы Ереже "Қазақстан Республикасының Үкіметі туралы" Қазақстан Республикасының 1995 жылғы 18 желтоқсандағы Конституциялық заңына , Қазақстан Республикасының 2008 жылғы 4 желтоқсандағы Бюджет кодексіне , "Мемлекеттік кәсіпорын туралы" Қазақстан Республикасының 1995 жылғы 19 маусымдағы Заңына сәйкес әзірленді және ұлттық компанияларға жатқызылғандарын және Қазақстан Республикасының Ұлттық Банкіне ведомстволық бағыныстыларын қоспағанда, шаруашылық жүргізу құқығындағы мемлекеттік кәсіпорындардың (бұдан әрі - Кәсіпорындар) таза табысын бөлу нормативтерін белгілеу, келісу және бекіту әрі таза табысының тиісті бөлігін мемлекеттік бюджетке аудару тәртібін айқындайды.

Ескерту. Кіріспеге өзгерту енгізілді - ҚР Үкіметінің 2005.04.08. N 315 , 2010.12.31 N 1502 Қаулыларымен.

1. Таза табысты бөлу нормативтерін белгілеу тәртібі

1. Кәсіпорындардың таза табысын бөлу нормативтерінде (бұдан әрі - Бөлу нормативтері) таза табыс сомасын тиісті бюджеттің кірісіне аударымға, резервтік капиталды қалыптастыруға, өндірісті дамытуға және өзге де бағыттарға бөлудің пайыздық ара қатынасы анықталады.

Б ұ л р е т т е :

1) шаруашылық жүргізу құқығындағы республикалық мемлекеттік кәсіпорындардың таза табысының республикалық бюджетке аударымдарының нормативтері (бұдан әрі - Бюджетке аударымдардың нормативтері) Қазақстан Республикасының Үкіметі ұсынған аударымдардың ең төменгі мөлшерін есепке ала отырып белгіленеді;

2) өндірісті дамытуға және материалдық-техникалық базаны нығайтуға Кәсіпорындар жіберетін таза табыстың үлесі Кәсіпорындардың иелігінде қалатын таза табыс сомасының кемінде 60 пайызын құрауы тиіс.

2. Кәсіпорындардың мемлекеттік басқару органдары Бөлу нормативтерін жоспарланған жылдың алдындағы жылдың 1 мамырына дейін бекітеді.

Республикалық мемлекеттік кәсіпорындар үшін Республикалық бюджетке аударымдардың нормативтері Қазақстан Республикасының Қаржы министрлігімен (бұдан әрі - Министрлік) келісім бойынша белгіленеді.

Коммуналдық мемлекеттік кәсіпорындар үшін Жергілікті бюджеттерге аударымдардың нормативтері жергілікті қаржы органдарымен келісім бойынша белгіленеді.

3. Министрлікте (жергілікті қаржы органдарында) Мемлекеттік бюджетке аударымдардың нормативтерін келісу мерзімі 10 жұмыс күнінен аспауы тиіс.

Мемлекеттік басқару органдары Бюджетке аударымдар нормативтерінің жобаларымен сонымен бір мезгілде Министрлікке (жергілікті қаржы органдарына) :

1) жоспарлы жылдың таза табысының нақты бөлігін өндірісті дамытуға пайдалану қажеттілігінің экономикалық негіздемесін;

2) қоса беріліп отырған нысан бойынша есепті жылғы тиісті бюджетке Кәсіпорындар аударған таза табыстың мөлшері мен сомасы туралы деректерді (есепті жыл үшін таза табыстың бір бөлігін аудару және аванстық аударымдар туралы төлем тапсырмаларының көшірмелерін қоса бере отырып) және алдағы үш жылдық кезеңге арналған таза табыстың мөлшері туралы деректерді табыс е т е д і .

Ескерту. 3-тармақ өзгерді - ҚР Үкіметінің 2003.07.01 N 636, 2010.12.31 N 1502 Қаулыларымен.

4. Еншілес мемлекеттік кәсіпорындар үшін Бөлу нормативтерін негізгі Кәсіпорын бекітеді. Еншілес кәсіпорындардың бюджетке аударымдарының нормативтері негізгі Кәсіпорындар үшін белгіленгеннен төмен болмайды, ал еншілес кәсіпорындар өндірісті дамытуға және материалдық-техникалық базаны нығайтуға жұмсайтын таза табыстың үлесі олардың иелігінде қалатын таза табыс сомасының кемінде 60 пайызын құрауы тиіс.

5. Жаңадан құрылған Кәсіпорындар үшін мемлекеттік басқару органдары олар мемлекеттік тіркелген күннен бастап бір айлық мерзімде осы Ережеде анықталған тәртіппен ағымдағы және алдағы жылдарға арналған Бөлу нормативтерін бекітуге міндетті.

5-1. Кәсіпорындардың мемлекеттік бюджетке аударуға жататын таза табысының бір бөлігін есептеу меншік капиталының теріс мөлшері кезінде немесе егер Кәсіпорын меншік капиталының мөлшері мемлекеттік бюджетке аударуға жататын таза табыстың бір бөлігіне жүргізілген есептеу нәтижесінде теріс болса жүргізілмейді.

Ескерту. 5-1-тармақпен толықтырылды - ҚР Үкіметінің 2005.04.08. N 315 қаулысымен.

2. Таза табыстың бір бөлігін тиісті бюджетке аудару тәртібі

6. Кәсіпорындар Аударымдар нормативтеріне сәйкес корпоративтік табыс салығы жөніндегі декларацияны тапсыру үшін белгіленген мерзімнен кейінгі он жұмыс күнінен кешіктірмей таза табыстың бір бөлігін мемлекеттік бюджетке аударуды жүргізеді. Есептеме есепті кезең үшін кірістер мен шығыстар туралы есеп деректерінің негізінде жүзеге асырылады.

Кәсіпорындар мемлекеттік бюджетке таза табыстың бір бөлігін аванстық аударуды жүргізеді.

Бюджетке таза табыстың бір бөлігін аванстық аударудың артық төленген сомалары есепті жылдың қорытындыларын ескере отырып, келесі қаржы жылының аударымдар шотына есептеледі.

Ескерту. 6-тармаққа өзгерту енгізілді - ҚР Үкіметінің 2005.04.08. N 315 қаулысымен.

7. Кәсіпорындар бірыңғай бюджеттік жіктемеге сәйкес тиісті кодқа тіркеу есебінің орны бойынша мемлекеттік бюджетке таза табыстың бір бөлігін аударуды жүзеге асырады.

Ескерту. 7-тармаққа өзгерту енгізілді - ҚР Үкіметінің 2005.04.08. N 315 қаулысымен.

8. Кәсіпорындарды қайта ұйымдастыру кезінде Кәсіпорындарды қайта ұйымдастыру күніне есептелетін мемлекеттік бюджетке таза табыстың тиісті бөлігін аудару жөніндегі міндеттемелер өткізу актісі (бөлу теңгерімі) бойынша құқықтық мирасқорларына беріледі және құқықтық мирасқорларын мемлекеттік тіркеген күнінен бастап бір айлық мерзімде орындалуға тиіс.

9. Мемлекеттік бюджетке таза табыстың тиісті бөлігін толық және/немесе уақытылы аудармау Қазақстан Республикасының заңнамасына сәйкес жауапкершілікке әкеп соқтырады.

Ескерту. 9-тармаққа өзгерту енгізілді - ҚР Үкіметінің 2005.04.08. N 315 қаулысымен.

10. Кәсіпорындардың таза табысы бір бөлігінің тиісті бюджет кірісіне уақытылы және толық аударылуын бақылауды Министрлік, орталық атқарушы органдар және өзге де уәкілетті мемлекеттік органдар жүзеге асырады.

Ескерту. 10-тармаққа өзгерту енгізілді - ҚР Үкіметінің 2005.04.08 N 315 , 2010.12.31 N 1502 Қаулыларымен.

Шаруашылық жүргізу құқығындағы
мемлекеттік кәсіпорындардың
таза табысын бөлу нормативтерін
белгілеу, келісу және бекіту
ережесіне қосымша

Қазақстан Республикасы
Үкіметінің

2002 жылғы 10 желтоқсандағы
N 1297 қаулысына
қосымша

Ескерту. Қосымшаға өзгерту енгізілді - ҚР Үкіметінің 2005.04.08 N 315, 2009.12.30 № 2297 (2010 жылғы 1 қаңтардан бастап қолданысқа енгізіледі), 2010.10.19 N 1077 Қаулыларымен.

Шаруашылық жүргізу құқығындағы мемлекеттік кәсіпорындардың таза табысынан республикалық бюджетке аударымдардың ең төменгі мөлшерлері

P/c N	Кәсіпорындардың қызмет саласы	Республикалық бюджетке аударымдардың төменгі мөлшері, %
1	2	3
1	Табиғат қорғау, әлеуметтік қорғау, қылмыстық-атқару жүйесі саласындағы өндірістік-шаруашылық қызметті жүзеге асыру	кемінде 15
2	Қару-жаракты және оған оқ-дәрілерді, қорғаныс құралдарын, әскери техниканы, оған қосалқы бөлшектерді, оларға жабдықтаушы элементтер мен приборларды әзірлеу, өндіру, жөндеу; босатылатын әскери-техникалық құралдарды жою (күрту, кәдеге жарату, көму) және өндеу; Қазақстан Республикасының мемлекеттік материалдық резервін қалыптастыру және сақтау	кемінде 20
3	Білім беру, ғылым, мәдениет және спорт саласындағы өндірістік-шаруашылық қызметті жүзеге асыру	кемінде 25
3-1	Денсаулық сақтау саласындағы өндірістік-шаруашылық қызметті жүзеге асыру	кемінде 5
4	Уран және басқа да бөлінетін материалдарды, сондай-ақ олардан жасалатын өнімдерді өндіру, шығару, тасымалдау, өңдеу, көму және сату; арнайы қорғаныс құралдарын қолдануды қажет етпей оларды пайдалануға жол берілетін нормадан асатын мөлшерде радиоактивтік заттары бар өнімдерді дайындау және сату	кемінде 30
5	Бұқаралық ақпарат құралдары, баспа және полиграфиялық қызмет саласындағы өндірістік-шаруашылық қызметті жүзеге асыру	кемінде 30
6	Мемлекеттік автомобиль жолдарының желісін және олар үшін заңнамада қаржыландырудың арнайы тәртібі белгіленген басқа да инфрақұрылым объектілерін ұстау және дамыту	кемінде 40
7	Энергиямен, сумен және жылумен жабдықтау, магистральдық көлік, байланыс, коммуникациялар, коммуналдық және тұрғын үй шаруашылығы және өзінің табиғи монополиялық жағдайына және әлеуметтік-экономикалық мәніне байланысты тікелей мемлекеттік басқаруды қажет ететін республикалық инфрақұрылымның тіршілігін қамтамасыз етудің басқа жүйелері саласындағы шаруашылық қызметті жүзеге асыру	кемінде 50
7-1		Республикалық бюджет комиссиясының тиісті қаржы

	Қазақстан Республикасының әуе кеңістігіне аэронавигациялық қызмет көрсету саласындағы шаруашылық қызметті жүзеге асыру	жылына арналған шешімімен мақұлданған мөлшерге сәйкес
8	Мемлекеттік құқықтық және жер кадастрларын, Қазақстан Республикасы Нормативтік құқықтық актілерінің мемлекеттік тізілімін жүргізуді қамтамасыз ететін қызметті жүзеге асыру	кемінде 50
9	Қару-жарақты және оған оқ-дәрілерді, қорғаныс құралдарын, әскери техниканы, қосалқы бөлшектерді, оларға жабдықтауды элементтер мен приборларды сату	кемінде 50
10	Дәрі-дәрмектерді, дәрілік құралдарды және емдеу препараттарын, медициналық жабдықтарды және аспаптарды дайындау және сату	кемінде 50
11	Банктік, сақтандыру және өзге қаржылық қызмет	кемінде 50
12	Почта байланысы және телекоммуникациялар, жалпы республикалық және халықаралық байланыс желілерін пайдалану	кемінде 50

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК